



Bou ons kinders vir môre

Godsdiensonderrig 2

Lestitel: Die offer van Jesus

'n Ouerhandleiding

Sondagskooltuisonderrig



Liewe Ouer

Welkom by die les “**Die offer van Jesus**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jousef aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die offer van Jesus
Bybelwoord	Lukas 23: 33-46; Johannes 19: 17-30 en Mattheus 27: 51-54
Lesdoelwit	Die kinders leer hoe Jesus sy lewe opgeoffer het.

Lesopsomming:

- Kruisiging was 'n wrede, openbare en vernederende doodstraf vir misdadigers.
 - Na Jesus se verhoor het die soldate Hom buite Jerusalem na Golgota geneem waar Hy tussen twee misdadigers gekruisig is.
 - Jesus het gesê: “Vader, vergeef hulle, want hulle weet nie wat hulle doen nie.”
 - Die soldate het Jesus se klere verdeel deur dobbelstene te gooi. Dit het die Skrif van Psalm 22 vers 19 vervul: “Hulle verdeel my klere onder mekaar en werp die lot oor my gewaad.”
 - Jesus is deur die Joodse leiers bespot.
 - Die een misdadiger het die ander wat ook gespot het bestraf en hom herinner dat hulle slegte dinge gedoen het en verdien om te sterf, maar dat Jesus niks verkeerd gedoen het nie. Toe draai hy na Jesus en sê: “Dink aan my, Here, as U in u koninkryk kom.”
 - Jesus het vir Hom gesê: “Voorwaar Ek sê vir jou, vandag sal jy saam met My in die Paradys wees.”
 - Jesus het nou geweet dat alles afgehandel was en vir die Skrif om vervul te word, het Hy gesê: “Ek het dors.”
 - Hulle het 'n spons met suur wyn geweek, dit op 'n hisopstingel gesit en na sy mond gebring. Jesus het die wyn gedrink en gesê: “Dit is volbring.”
 - Toe buig Hy sy hoof en sterf.
- Die dood van Jesus het met die volgende spesiale tekens gepaard gegaan:**
- Rondom die middaguur het dit vir drie uur lank donker geword oor die hele land.
 - Die gordyn in die tempel het in twee geskeur, wat alle mense gratis toegang tot God gee.
 - Daar was 'n aardbewing, en rotse het gekraak.
 - Die hoofman oor honderd, wat Jesus bewaak het, en die wat hom vergesel het, het gesien wat gebeur het en God geprys en gesê: “Dit was waarlik die Seun van God.”



Wat beteken hierdie les vandag vir ons?

- Jesus het sy lewe vir ons geoffer sodat ons van sonde verlos kon word en met God versoen kon word.
- Lees 1 Korinthiërs 15 verse 54-57.
- Jesus het deur sy offer:
 - die mag van Satan vernietig,
 - die ewige dood oorwin en
 - volmaakte versoening tussen ons en God moontlik gemaak.
- Die kruis het die simbool van verlossing onder Christene geword.
- Aan die kruis het Jesus die oorwinning oor die hel en die dood behaal.
- Die kruis is ook deel van ons kerk se embleem.
- 1 Korinthiërs 1 vers 18 sê: “Want die woord van die kruis is wel dwaasheid vir die wat verlore gaan, maar vir ons wat gered word, is dit die krag van God.”
- Die kruis simboliseer dat ons toegang tot God het.

Doen die oefeninge 1 en 2 saam met u kind.

Sommige vrae wat ons kan vra:

1. *Wat beteken Golgota?*

Antwoord: Die plek van die skedel

2. *Waar in die Bybel word die kruisiging van Jesus vermeld?*

Antwoord: In die vier evangelies van Mattheus, Markus, Lukas en Johannes

3. *Waarom het die gordyn in die tempel in twee geskeur?*

Antwoord: Deur Jesus se dood is toegang tot God moontlik gemaak vir die mens en is die mens met God versoen

4. *Wat het Jesus gesê om die Skrif te vervul voordat Hy gesterf het?*

Antwoord: “Ek het dors.”

5. *Wat was Jesus se laaste woorde aan die kruis nadat Hy die suurwijn gedrink het volgens Johannes 19?*

Antwoord: “Dit is volbring.”



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen